

Kujdes kokën,

BIBLIOTEKA
SHTETIT

8J4-7

Q 16

Zotërinj!



Poemë satirike

LUAN QAFEZEZI

8J4-7
16

8

LUAN QAFËZEZI

KUJDES KOKËN, ZOTËRINJ!

(poemë satirike)



Tiranë, 1972

Redaktor: MOISI ZALOSHNIJA
Piktor: ZEF BUMÇI

Tirazhi 4.000 kopje Format 70x100/32 Stash: 2204-65

Shtyp. NISH Shtypshkronjave «MIHAL DURI»
Stabilimenti «8 NËNTORI» — Tiranë, 1972

*Armës symprehtë të Sigurimit të Shtetit,
Heronjve të saj të heshtur
me dashuri*

Autori

PJESA E PARË

TAKIM I PËRMALLSHËM

Një nat'vjeshte për së fshehti,
Ende mir'pa dal nëntori,
Midis dallgëve të shumta
Për «kurbet» u nis vapor!

Hej vapor, more vapor,
Ç'po i shpënke matan'detit
Gjithë zotërinjtë e Ballit
«Trimat» e Legalitetit!

E me ta edhe Maklenin,¹⁾
Oficerin me nishan,

1) Makleni, oficer anglez i ndërlidhjes pranë forcave të reaskionit Ball-Legalitet. Ai, në nëntor 1944, u largua nga Shëngjini së bashku me krerët e tradhëtisë, me të njëjtën motobarkë.





Hej Maklen, ta prefsha synë,
Ku m'i çon, mor «babaxhan»?

Por Makleni, jo, nuk ndalet.
Për të ardhmen po u flet,
«Trimave që tundën malet»
«Trimave që shkundën retë».

Shkuan... shkuan, po atdhenë,
Obobo se ç'hall e gjeti,
Ja, tani për Shqipërinë
Do të bëhet kiameti!

Se, lum miku, s'shkohet jeta
Pa zambak e karafila,
As më thoni, miq të dashur,
Ku gjen dot të tillë «bandilla»?

Se nuk ishin veç të hurit
e as vetëm të litarit
Po, për fat e për çudi,
Dhe të «penës» e të «zjarrit»!



E si njëri edhe tjetri
Sa i xhepit aqë i gojës.
Le pastaj për punë kulete.
Pararojë e pararojës!

Po ç't'i bësh revolucionit,
Që nuk paska drejtësi,
Që nuk pyetka as për mbretër,
Le pastaj për parësi!

E midis këtij pikllimi,
Veç Zogolli u gëzoka,
Pas kaq vjetësh miqtë e vjetër
Dhe një herë do t'i takoka!

Se dikur të gjithë bashkë
Kanë qenë mehmur Turqie,
E më vonë me Franc Jozefin,
Kush zabit e kush afie!

E kështu, sipas sirasë,
Prapë me Duçen e Hitlerë,
Duke mbetur porsi motit
«Patriot» e myteberë!

Ndaj sa mbrrijnë, nga lezeti
Dhe nga malli që i djeg xhanë,
Fort me gaz na çohet mbreti,
Na pret Lumo «demokranë».

Pastaj puth Ali Xhonglerin,¹⁾
Hasan Dostin e Mehdinë,
Abaz Kupin, Baz Ermenin
Dhe Mustaf Këmishëzinë!

... Bukëvale muhabeti.
Vihe pikat përmbi «i»,
Rritet gazi, zjen legata:
— Rrofsh e qofsh, Ameriqi!

1) Ali Këlcyra, një nga krerët e organizatës tradhëtare «Balli Kombëtar». Vegël e okupatorëve fashistë italo-gjermanë,